



Na osnovu člana 69. stav 2. tačka e) i člana 70. st. 1. 4. i 6. Zakona o javnim nabavkama („Sl. glasnik BiH“, broj 39/14), u konkurentskom zahtjevu za dostavu ponuda, za nabavku i sukcesivnu isporuku auto guma za potrebe Grada Zenica, Gradonačelnik donosi:

ODLUKU
o poništenju konkurentskog zahtjeva za dostavu ponuda

Član 1.

Poništava se konkurentski zahtjev za dostavu ponuda, za nabavku i sukcesivnu isporuku auto guma za potrebe Grada Zenica, iz razloga što su cijene prihvatljivih ponuda znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke, broj: 02-11-9147/20 od 19.05.2020. godine.

Obavještenje o nabavci broj: 1355-7-1-147-3-52/20 objavljeno je na Portalu javnih nabavki dana 22.05.2020. godine.

Procijenjena vrijednost za predmetnu nabavku iznosila je 15.000,00 KM bez PDV-a.

Na portalu javne nabavke objavljena je i tenderska dokumentacija za nabavku i sukcesivnu isporuku auto guma za potrebe Grada Zenica.

Ugovorni organ zaprimio je tri ponude. Ponuda ponuđača „UNIONCOMERC CO“ d.o.o. Zenica nije prihvatljiva, jer nije dostavio specifikaciju proizvođača auto guma kako je zahtijevano, te se u skladu sa tim ponuda ponuđača odbacuje.



Druge dvije ponude su prihvatljive, ponuda ponuđača „UNITRADE“ d.o.o. Ljubuški u iznosu od 19.643,26 KM i ponuda „EURO DAM-JAS“ d.o.o. Lukavac u iznosu od 17.335,76 KM, ali su obe ponude znatno veće od osiguranih sredstava za predmetnu nabavku.

Ugovorni organ je proveo e-aukciju, i nakon provedene e-aukcije cijene su i dalje znatno veće od osiguranih sredstava, te shodno tome, Ugovorni organ poništava postupak javne nabavke u skladu sa članom 69. 2. tačka e) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BIH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-9147-2/20

Datum: 08.07.2020. godine

DOSTAVLJENO:

- 3 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:


.....
Fuad Kasumović